



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School	:	TWGHs S.C. GAW MEMORIAL COLLEGE
学校名称	:	东华三院吴祥川纪念中学
Name of Play 剧名	:	这样的未来
Script writer 剧作者	:	陈颖琳、周子淳、杨文晰、王正扬、黄子睿 (同学)

Synopsis 故事大纲 :

现今世代，无论是小朋友、青少年或成年人都会依赖科技。

因为科技带来无限方便，所以它便成为我们日常的必需品。

但科技是否如大家想象般万能呢？

故事中的嘉乐是一个非常聪明的发明家。

她自小没有几个朋友，除了婆婆之外，最能令她脱离孤独的就是机械人。

嘉乐从小到大都希望机械人可以变成有感情的「AI」，成为人类的朋友。

究竟她的想法是对还是错呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第 1 场

(2019 年)

(像实验室般的家)

人物 嘉乐(中学时期嘅嘉乐)、婆婆、初型机械人

(嘉乐唔开心咁回家)

嘉乐 婆婆，我返嚟啦.....（丢低书包，行去婆婆度，望下婆婆做咩）

婆婆 （一路整机械人一路讲）乖孙，返嚟啦？（望见主角）咩事又搞到我个乖孙咁唔开心，扁晒咀咁？

嘉乐 班同学又夹埋吓我嘍

婆婆 有咩原因竟然吓我个咁聪明嘅小化学家呀，吓？

嘉乐 佢地嫌我太聪明....

婆婆 咁....之前婆婆咪讲过，你要解释多 D 先得架嘛！

嘉乐 有呀！系佢哋蠢，唔明咋嘛....咁都唔明！之前上 STEM 堂，我想将我个机械人整多 D 功能，咪问老师嘍！佢地又话我骑呢，搞咁多野！

婆婆 咦！系咪之前婆婆同你系屋企整个个初代 A001 呀？你唔满意咩？

嘉乐 婆婆，我都讲过咯！佢唔系初代 A001 呀！佢系正义嘅化身一蒙面金刚呀！

婆婆 得得得！乖孙你钟意啦...依家快啲去洗手食饭先啦！

嘉乐 婆婆！你听我 up 埋先啦！我好好好好想知呢，机械人到底有冇感情架？

婆婆 吓？

嘉乐 即系.....有自然反应个 D 呢！即系...听到笑话会笑，唔开心会喊个 D 呢...？（期待）

婆婆 咁.....佢都识答问题嘅！但一条问题得一个答案咁嘍！

嘉乐 吓.....点解呀！（失望）（看到婆婆整嘅机械人）咁呢只呢？佢叫咩名呀？Hello.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

婆婆 佢叫 81757

嘉乐 吓！又系代号！（厌弃）我叫李嘉乐……咁你就叫李乐嘉啦！
Hello！喂！睬下我啦……

婆婆 乖孙，佢唔会同你倾计㗎，佢只可以答你问题架咋！例如……功课唔明，佢又可以答你问题。做家务你唔识，佢又可以帮你。

嘉乐 吓……咁要佢嚟做咩姐！又陪唔到我！又唔特别！

婆婆 唉……唔吉利嘅都讲句啦……婆婆好快走㗎啦！走咗……边个帮你，照顾你啊？

嘉乐 婆婆！唔准走！你走咗冇人同我倾计㗎啦！我又冇朋友……唔开心嗰阵，都唔知搵边个！除非……佢可以！婆婆……

婆婆 乖孙！你谗下！我依家整呢只机械人，已经高过你一个头。未来以后再有更多机械人都系咁，加埋佢地力量咁强大，我地人类就好渺小。佢地原本嘅作用就系帮人类，佢哋有感情嘅话佢哋可以反抗㗎！

嘉乐 我净系要佢同我倾计咋嘛！佢哋会反抗咩？

婆婆 乖孙啊……唉！……你都系去洗手先啦！就嚟食饭啦！

嘉乐 婆婆啊……

婆婆 （一路行，一路推嘉乐）去……快啲去洗手！

嘉乐 （唔情愿咁行）

(灯暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第 2 场

(2039)

(电视节目)

人物 嘉乐(长大了的嘅嘉乐)、节目主持人林欣欣、乐嘉(雏形机械人进化变成嘅 AI)

VO 又嚟到 11 点大家最期待嘅节目一名人故事！今日嘅嘉宾又会系边个呢？大家密切期待啦(加 drum roll) ……

主持 欢迎嚟到『名人故事』！我系节目主持人一林欣欣！今日嘅嘉宾系一李嘉乐！（兴奋）
嘉乐，你好呀！

嘉乐 你好呀，主持人（大方得体嘅感觉）

主持 嘉乐，恭喜你喎！你啱啱推出嘅第代 AI 大卖喎！仲有好多地方有得卖添！

嘉乐 多谢

主持 你仲系全球第一个年纪最细，攞 Patrick Porous 奖嘅发明家喎！有咩感受先？你又最想多谢边个？

嘉乐 我好荣幸，亦都好开心，有呢一个肯定！最想多谢嘅，梗系我婆婆啦！

主持 哦！系喎！大家知唔知道，嘉乐嘅婆婆就系好出名嘅发明家一黄秀丽博士呀！

嘉乐 （笑了笑）系呀！可惜佢已经走咗喇！有机会见到我攞奖……

主持 系喎…我都知道佢前个排死于意外…我知道之后都好伤心…不过，相信佢在天之灵一定会为你开心……系啦，你细个嗰阵就睇住佢发明唔同嘅产品架啦

嘉乐 嗯……都算系啦！不过唔系全部……

主持 咁佢平时系咪好忙架？

嘉乐 都系架……我瞓紧觉嗰阵，佢仲做研究……

主持 佢咁忙，咁有冇时间陪你架？同埋佢会唔会对你好严架？

嘉乐 婆婆好锡我架，佢成日都 tum 我开心，平时我一回家，佢就会关心我。佢知我有朋